

ՀԱՅԴՈՒԿԻ ՀԱՎԱՔԱԿԱՆ ԿԵՐՊԱՐԸ
(ըստ Խ.Դաշտենցի «Ո-անչպարների կանչը վնապի»)
Սիրուն Բաղդասարյան

բ.գ.թ., դոցենտ

ԱրԴ

Բանալի բառեր - հայոցի, հերոսական պայքար, ազատություն, տարատ, բաճկոն, երդում, թուրքական բռնակալություն, Ավետարան, պաշտոն, մականուն

Հայոցիների պարտիզանական շարժումը ծնվեց թուրքական բռնակալության սաստկացող ճնշումների, նրանց իրավունքների և ազատության բացահայտ ունահարումների, 1896 թվականից սկիզբ առած պարբերական կրտորածների ազդեցության տակ:

Դարի հոգեբանական համայնապատկերի վրա պատկերված հայոցիներն ասեն ոգենենացած, մինումենտալ հուշարձաններ լինեն, որոնց կորորվ ընթերցողն անհնար է, որ անտարբեր անցնի: Ովեն՝ նն հայոցիները և ո՞րն է նրանց առաջնության նպատակն ու գործողությունների կերպը, նրանց հոգեբանությունն ու բարյական նկարագիրը: Այս հարցերին սպառիչ պատասխան տվեց գեղագնտ Խ. Դաշտենցն իր «Ո-անչպարների կանչը» վիհապքում:

«Սաստինցի Դավիթ» ժողովրդական էպոսից մինչև Դաշտենցի երկերն ընկած հեռավորությունը մարդկային կյանքի քան հազար տարվա պատմություն ունի: Այս ժամանակի մեջ մարտառած ու զոյտաւած «Էրգիր» մարդկանց կյանքում շատ բաներ են փոխվել, ավելիվել ու կորուսվել, սակայն նրանց հոգու մարդությունը, բարյականության սկզբունքները և գործերը կերպը մնացել են անսասան: «Էրգիրը» միայն կորուայալ եղերը չեն, այն մարդկային խիճ է, բարյականություն, արդարամտության չափանիշ: Այս մասին Զ.Ավետիսյանը գրել է «Էրգիրի գաղափարը կրող մարդը չի կարող դափառնել, խորամանկել, չի կարող չատել ու չսիրել: Անարդարությունն ու կնդիքը էրգիրի մարդկանց թշնամին է, էրգիրի լեզուն ու նրգը անենդ է, քաղցրահունչ: Նրա մարդիկ ազգերի բարձր ու հավասար սկզբունքների վրա հենքող նրբայության ջատագովներ են: Երեսայի պես անկենդ են, անմիջական ու նաև՝ համառ, մեծի պես իմաստուն են և աշխարհանվեր, ինչպես Սանասարի որդին, թոռն ու ծոռը»¹:

Խաչիկ Դաշտենցի գլուխգործոցի՝ «Ո-անչպարների կանչի» հերոսների ճակատագրերը տոհմի ու ազգի ճակատագրերը են, որտեղ մարդկային ճակատագիրը կաղապարված է ժողովրդականին:

«Հայոցի» բառը հայկական կյանք մուտք գործեց անցյալ դարի վերջին տասնամյակներում՝ թուրքական դաժան լիի դեմ պայքարի ելած մարտիկ նշանակությամբ: Այն փոխէ արևված բալկանյան ժողովրդների պատմական փորձից, նույն իմաստով գործածական է հատկապես Բուլղարիայում և Հարավակավիայում: Հայոցի գրական փոխառությանը գուգահետ հայկական կյանքում գործ են ածվել «կաչառ», «ֆիդայի»-ժողովրդական մտածողությամբ իմաստավորված բառերը, որոնք ծագում են ավազակ, ապստամբ, ամձնագոհ բառերից: Թուրքական տիրապետության

¹ Զ. Ավետիսյան, Նորագույն գրականության զարգացման միտումները, Երևան, 2003թ., էջ 152:



դեմ ոստքի ելած հունական ժողովրդական Վրիժառուներին նոյնպես ավազակ էին անվանում: Մեծանուն վիպասան Շաֆֆին մտադրի էր «Կայծերը» վերնագրել «Հայդուկներ» և վեպի առաջին տպագրության սկզբում տեղադրել է մի փոքրածավալ, բայց ուշագրավ առաջարան «Հայդուկներ» վերնագրով, որը հայ իրականության մեջ տվյալ պատմաքաղաքական երևոյի թերևս միակ խոր և բնորոշ գնահատականն էր. «Հայդուկը բնական արտօհայտությունն է բռնակալության լծի տակ ճնշված, հարստահարությունից տանջված և յուր մարդկային բոլոր իրավունքները կորցրած ժողովրդի կյանքի, -գրում է Ռաֆֆին: -Հայդուկը ստրուկի բողոքն է իշխողի բարբարության դեմ... Հայդուկը հասարակ ավազակից որոշվում է գլխավորապես նրանով, որ նա ոչ թե հափշտակության ազահությունից դրդված կամ հանգամանքներից ստիպված է գործադրում իր արյունահեղ արիեսուց, այլ նրա սրտի հետ կապված է խորին ազգային զգացմունք և ազատության բաղձանք»¹:

Արևմտյան Հայաստանի աշխատավոր ժողովուրդը ընդունակ էր հերոսական պայքարի՝ հանուն ազատության, սակայն նա զուրկ էր պայքարի տեսականորեն մշակված ծրագրից, աղոտ պատկերացում ուներ ստրատեգիայից ու տակտիկայից: Բացի դրանից չկար որևէ առաջադեմ կազմակերպություն, որ կարողանար գլխավորել ժողովրդական այդ ինքնաբուխ շարժումը: Հայդուկի հավաքական կերպարի մասին որոշակի պատկերացում ընթերցողը կազմում է Անդրանիկի և Մախլուտոյի կյանքի ու գործի մասին կարդալով, չնայած մյուս հայդուկների կերպարները նույնպես ունեն հատուկ ֆիդայական գծեր: Վիպասքում տեղ են գտել բազմաթիվ հայդուկների կերպարներ՝ Արարոն, Արքուր Սերոբը, Սուսեն, Անդրանիկը, Գևորգ Զառւշը, Սպատանաց Մակարը, Հրայր Դժիկը, Սմբատը, Գալեն, Չղլուն, Մորուր Կարոն, Արծիվ Պետոն, Կայծակ Անդրեասը, Տեր Քաջի Ադամը, Կոտոն Հակոբը, Լաճկանցի Արթենը, Արշա Զորիկը, Ավադին Միսակը, Սեյլոն Պողոսը, Արտոնքա Զնդոն, Մոսե Իմոն, Բամբակու Մելոն, Փերարա Մանուկը, Շենիքցի Մանուկը, Փերարա Խորոն, Թադեն, Կուրավա Շնոն..

Ընդհանուր տպագրությունն այն է, որ Դաշտենցը վիպասքի հիմնական հատվածներում կարողացել է լայնորեն բացահայտել ու իմաստավորել հայդուկ-պարտիզանների սոցիալական և հոգեբանական վարքագիծը: Հասկանալի է, որ դա սոցիալական մի բարդ, պատասխանատու աշխատանք է, որը պակավել է հաջողությամբ: Կերպարի անհատականացման գաղտնիքը հեղինակի կարողությունն է՝ վիպական դեպքերի գարգացման ընդհանուր շղթայի մեջ, կոնկրետ իրավիճակներից ենելով, պատճառաբանել անձի հոգեբանական կողմնորոշումները: Հայդուկների կերպարներն անհատականացված են. այս մարդիկ ինքնատիպ են ամեն ինչում: Սովորական մարդն իր արատներն ուզում է թաքցնել ուրիշներից: Հայդուկը ոչինչ չունի թաքցնելու ոչ մեկից: Կարծես կուսական բնույթունը մարդկային այս տիպը ներկայացրել է իր իսկ կերպարանքով՝ անխարար, ազնիվ, անաղարտ, կուսական ներաշխարհով: Ու այս ամենը կատարվում է ընթերցողի համար աննկատ, աստիճանաբար:

Հայ Ֆիդայիների հետ թուրքերի դեմ կռվում էին նաև քրդեր, ասորիներ, թուրքեր. «Հայ ազատագրկան շարժմանը մասնակցում էին շատ ասորիներ, քրդեր, թուրքեր և այլ ժողովուրդների ներկայացուցիչներ: Քուրդ Մատոն և Ավրոն մի ժամանակ կռվել էին հայերի դեմ, իսկ հետո անցել նրանց կողմը և դարձել թուրքական կառավարության կատալի թշնամիներ: Նրանք հերոսաբար կռվում և հայերին ազատագրում էին բազմաթիվ չարիքներից: Թուրքերի դեմ պայքարին մասնակցում էին նաև Վանի շրջանի

¹ Հայ ժողովրդական ռազմի և զինվորի նրգեր, ՀՍՍՀ ԳԱ հրատ., Երևան, 1989թ., էջ 29:



գյուղերից ասորիներ Գրեն, Սահակը, Խումոշը և ուրիշներ: Ասորիները միշտ համերաշն էին իրենց բախտակից հայերի հետո¹:

Հայրուկները հագնում էին լայն տարատներ և գույնգոյն բաձկոններ՝ կարմիր ու դեղին նախշերով: Գոտիներին ամրացնում էին կաշյա քառական փամփշտակալներ՝ պապղուն փամփուշտներով: Դրանք բողարկելու համար բոլորն էլ անխտիր հազար էին անքե: Կողերին կապած էին տասնոց մասուցեր և դամասկոսյան կեր դաշույններ: Գլուխները ծածկած էին արախչի կամ գրակ՝ մուգ կարմրավուն փուշիներով ոլորած: Յուրաքանչյուրը մի պայուսակ ուներ մեջքին կապած և մի ճոկան՝ ժայռերը մազցելու համար: Նրանք ունեին պարտադիր կանոններ և չգրված, հաստատուն օրենքներ, որին հետևելը պարտադիր էր յուրաքանչյուրի համար: Այն հայ շինականը, երիտասարդը, ով ընթուանում էր բռնության դեմ և ցանկանում զինվորագրվել հայդուկային շարժմանը, սկզբում անվանվում էր «Ճնշդուկ», որը նշանակում է թափառիկ, ուստուսուն կյանք: Նախ և առաջ նա պետք է ճարպիկ լինի, լավ ծի վարի, գենք գործածի, կարողանա ժայռեր մազցել, լինի տոկուն, հաստատական, հավատարիմ իր ուխտին: Սուլքանի ոստիկանները բռնել էին ռես Խեցոյին և տանջելով ցանկանում էին իմանալ Սղբոյուր Սերորի և մյուս Ֆիդայիների տեղը: Գյուղացու խորիմաստ պատասխանի մեջ բռնութագրական շատ բան կա հայրուկի մասին: «Դրանք թռչուն են, էֆեմին՝, ինչպե՞ս բռնենք: Ֆիդային սահման չունի: Հարյուր աշիրի միջով կանցնեն, հազար սարով կզնան, կրաւեն իրենց ուզած սարին: Վաղն էլ կթշեն-կերթան ուրիշ սարեր: Թագավորի ձեռքը երկար է, թող գնա բռնի» (Էջ 43)².

Կարմիր իրիցու տան «Կոճղեզ» ավետարանը, որ, Արաբոյի թամբից ընկմելով, կորե էր Բռնաշենի անտառում, գտել էր Տատրակ գյուղում ապրող մի անառակ կին, անունը՝ Զմոն, և հանձնել Մախլուտոյին, իսկ Մախլուտոն այն տվել էր Տեր-Փոթորիկին: Ու դրանից հետո հայդուկներն իրենց երդումը տալիս էին այդ գրքի վրա, մի սրբացած գրքի վրա, որ մաքրված, լուսավորված էր ամպուների փայլով: Վյո մեծ երդումը վերակենդանացրեց ու հավերժացրեց Խ. Դաշտենցը: Դրանից ստացված խորիությը ճառագեց նրա հայրենաբարձ գրչի ու հոգու թևածումով՝ հենց նոյն Մախլուտոյի հուշապատումի և մանրամասների վերակենդանացման իման վրա: Դրանով՝ բոլորից առաջ և ամենից առավել Դաշտենցը մեզ է ժառանգում հայ Ֆիդայիների հզոր կամքը, իրեղեն կանչը, մեծ ողին, չարի դեմ ծառացած առասպելական կերպարը:

Հայրուկի սիրեցյալ հայենին է, սիրուիհն՝ Հայաստանը: Հայրուկը երդվում է սուրբ Ավետարամի վրա: Սմբատի երդման արարողության ժամանակ Զառուշը իր դաշույնը դնում է խաչի վրա: Երիտասարդ հայրուկը, ծունկի գալով «Կոճղեզի» առաջ, երդվում է: «Երդվում եմ իմ պատվի և ազգության վրա իմ բոլոր ուժով, եթե հարկ լինի նաև իմ արյունով, ծառայել Հայաստանի ազատագրության դատին՝ ընդդեմ սովորանի բռնակալության: Այսուհետև իմ բարձը Հայաստանի լեռները կինեն և իմ ամենամեծ բաղծանքը՝ Հայենիքի համար մերնելը: Բարով արժանանամ իրեղեն գնդակի համբույրին» (Էջ 150):

Վկասաքում հայրուկները իմանականում համապատասխանում են իրենց պատմական նախատիպերին: Շատ դեպքերում ունեն Ֆիդայական անուններ: Օրինակ՝ Երդումից հետո պարզվում է, որ Սմբատի կնքանունը Մամիկոն է, տատն էր Սմբատ կոչել, իսկ որպես զինական ստանում է Մախլուտո անունը: Նա սկզբում խմբի շալակատարն

¹ Ծ. Աղայան, Հայ ժողովրդի ազատագրական պայքարի պատմությունից, ՀՍՍՀ ԳԱ հրատ., Երևան, 1976, էջ 222:

² Մեջբերումները կատարված են Խ. Դաշտենցի «Ռանչպարմերի կանչը», Երևան, 1984թ., գրքից:



Էր:Օրենքով հայդուկն իրավունք չուներ ամուսնանալ, քանի դեռ հայրենիքը ազատագրված չէր բռնակալության լիից: Ուրեմն՝ նա իրավունք չուներ կնոջ հետ որևէ գործ ունենալ, մանավանդ՝ անծանոթ կնոջ: Սրբացած գրքի Վրա Երդվելուց հետո Մախլուտոն ծերնակայտով դաժանորեն ծեծի է Ենթարկվում Հրայր Ղծոխիք կողմից, այնինչ ինքն ընդամենը մի անզգով շարժումով արձագանքել էր անծանոթ կնոջ կանչին: Երդում տալը, դաժան ու խստ կյանքին Ենթարկվելը դերևա քիչ էր. հայդուկ դաշնալու համար պետք էր գենք ունենալ: Անբյուր Սերոբը կրկնում էր.«Սուլթանի Երկրում առանց հացի մնացեք, առանց գենքի մի մնացեք» (Էջ 158):

Մինչև մախլուտոյին գենք տրամադրելը, Գևորգ Չառւշը նրան ներկայացնում է ֆիդայիների խմբին, պատմում նրա կատարած գործերի մասին, այս մասին, որ տարրոնցի այս Երիտասարդը ուխտուել է մատաղվել Հայաստանի ազատագրության համար,որից հետո կարգադրում է նրան տրամադրել փամփշտակալ, որը հայդուկը ծգում է ուսերի վրայով, վրան հագնում արան, արայի վրա պայուսակը, որին ամրացրած փոքրիկ տոպարակի մեջ մի բուռ բոված կորեկայուր էր և մի չորթան՝ իբրև նեղ օրվա պարեն:

Հայդուկներից ամեն մեկը «պաշտոն» ուներ, օրինակ՝ մեկը շավակատար էր,մյուսը՝ եղանակը գուշակող, երրորդը՝ լավ հետախուզ, չորրորդը՝ չոր փայտերից ամենուն կրակ վարող, մեկ ուրիշը հսկում էր,որ ֆիդայիները ճանապարհին ծխախոտ չվարեն և վարելիս կրակը բռնեն ծերնակայտի մեջ և, որ ամենազիշավորն է,մնացորդները գետին չգցեն: Հազարիկ անունով ֆիդային հսկում էր, որ հայդուկները լուսեյակ գիշերներին հրացանները ուսերին չինեն, փայտելու միշտ պահեն լուսնի կողմը, որ չփայլեն: Տալվորիկից հայրուկ Կամե Գասպարը հարուստ հայերի անասունները փախցնում ծախում էր քրոնիկն, քրոնիկից փախցնում-ծախում հայերին և դրանով գումարներ հայրայթում ազատագրական շարժման համար: Հայդուկների խմբերը մի տեղից մյուսը տեղափոխվելիս ունենում էին առաջապահ, որն առաջնորդում էր խմբին, և հետնապահ, որի խնդիրն էր իր հետ քարշ տալ մի ծառաճուղ, որպեսզի հետքերը կորցնի: «Աշխարհում ֆիդային ոչ մի հարստություն չունի: Նա օթևան չունի: Յոթ օրից ավելի ֆիդային իրավունք չունի մնալու նոյն տեղում: Նա անվերջ շարժման մեջ է:Երբ բոլորը քնած են, ֆիդային ելնում է ոտքի: Նա գրկված է լուսաբացի քաղցր քնից: Ոչ ոք չպիտի իմանա, թե ֆիդային ինչ ուղղությամբ անհայտացավ խավարի մեջ. ո՞ր ծորից ելավ և ո՞ր սարի լանջերով գնաց: Գյուղ մտնելիս ֆիդայու իշխանը հայ լեռնականի գոմի կամ մարագի մութ անկյունն է: Երբ ձմեռ է, նա պետք է գտնի որևէ քարայր և մտնի մեջը մինչև գարունը բացվի կամ սառած ծյունը փորի և ծածկվի ծյունի տակ՝ մի ամնշան ձեղք թողնելով լոյսի և օդի համար:

Ֆիդային գերեզման չունի: Նրա ամենամեծ բաղծանքը կրվի մեջ մեռնելն է՝ ազատության երգը շուրջերին և գնդակը ճակատին» (Էջ 169):

Համարյա բոլոր հայդուկների վրա կրվի հետքեր կամ՝ սպիներ, դեմքներին, թիկունքին, ոտքին կամ ծեռքին: Գրողը պատկերավոր հիշեցնում է, որ հայդուկներից ամեն մեկը Վերքերի հին ու նոր սպիների մի թանգարան էր: Իսկ ֆիդայու ամեն մի վերքը, ամեն մի սպին դրոշը է բռնակալության դեմ մղած անթիվ կրիվների:

Հայրուկի ծին միշտ թամբած է, խուրջինը՝ կապած:Ամեն րոպե նրանք կարող են ցատկել դրանց թամբերին և պանակ խավարի կամ կիսամուրի միջով:Նրանք ունեն պայմանական խոսքեր: Օրինակ, եթե կողքին կամ մոտերքում թշնամի կա,պետք է ասել. «Եշն ընկել է գլու»:

Մախլուտոն կարգադրություն է ստանում գնայ Բերդարաղաք (Կարս)՝ փամփուշտ բերելու: Մշեցի Տիգրանի հետ նրանք ճանապարհին ներկայացնում էին որպես աման կլայեկողներ, Մախլուտոն՝ նաև փութս փշող: Այսինքն՝ ի սեր գլխավոր նպատակի՝ ֆիդային ամեն գործ պատրաստ է կատարել: Հայդուկները պաշտպան էին ոչ միայն բռնադատված հայերին, այլև՝ մյուս ազգերին: Սա նշանակում է, որ ֆիդային



արդարության զինվոր է: «Ֆիդայու հոգին վախ չի ձանաշում, ջերմեռանդորեն նվիրված է հայութիքի գաղափարին, բայց նաև զարմանալի միամիտ է: Դա պարզ, ռամիկ մարդու, ռանչափարի հոգին է, անվեհեր, բայց և դյուրահավատ, որը հեշտությամբ կստահում է ժողովրդական խոսք ու զրոյցին և հենց ինքն էլ դրանք ստեղծում է: Այսիսի հոգեբանական կոնտեքստում շատ բնական են ընկալվում Վեպի միջանկյալ գլուխները (գերբնական սիրուաճըների, իրեղեն ծիերի, իրաշք ջրաղաքքարի, իրաշագրծ մաղի, անգիտական թագավորի մոտ կատարած պատմական այցելության մասին պատմող նովելները և այլն): Գրեթե յուրաքանչյուր գլխի, յուրաքանչյուր զրոյցի մոտքը էակական-ոճական լուծում ունի», - գրում է գրականագետ Գ. Հովսեփյանը:

Պայման Արյուրի իրաշքը հայ ֆիդայիներն էին: Հրեղեն շնչով այրեր, հայութիքի մատաղացու որդիներ, որ ապրեցին միայն հայութիքի կյանքով և դեռ իրենց կենդանության օրոք դարձան պատմություն ու լեզենդ:

Հայութիքի յուրաքանչյուրն ուներ իր մականունը: Իր մեծահոգության և բարության համար, դեպի հայ, թուրք և քուրդ հասարակ բնակչությունը, Անդրանիկը ստացել էր վիշտա մականունը: Ծնվելով Շապին-Գարահիսարուում՝ Անդրանիկը համեստորեն պնդում էր, որ ինքը փաշա չէ, իրեն դիմեն Շապինանդ անվամբ: Չորավար Սմբար Բորոյանի կնքանունը Սամիկոն է, բայց ֆիդայական երդումից հետո ստանում է Սախուտո զինական անունը: Սերդը անարդարության զոհերի բարու պապակը զովացնող աղբյուրի էր նման, որը համար ստացավ Աղբյուր մականունը: Նրա մահից հետո այդ անունը կրեց կինը՝ Սոսեն: Գևորգը կրվի ժամանակ սպանել էր բարձրաստիճան մի չառչի, որի համար ստացել էր Չառչ մականունը: Թավկիգեցի, Վեցերորդ հայկական կամավորական դրուժինայի հեջալ Վաշտի հրամանատար Հայկ Բժշկյանը հայտնի էր Գայ մականվամբ: Հետաքրքիր է դարաբաղցի Նիկոլ Ղումանի մականվան պատմությունը: Նիկոլը Ղարաբաղի Ղշլաղ (այժմ՝ Շաղկաշատ) գյուղից է: Խաթավինի կովից մի տարի առաջ Նիկոլը իր խսրով դեպի Վան անցնելիս, Պարսկաստանի սահմանագլխին ապավինել էր մի մարաֆի: Համիդիտ ծիավորները՝ խոտու խրձեր բերելով՝ հրդեհել էին մարազը՝ կամենալով ծիփ մեջ խեղդել հայութիքներին: Նիկոլը հրամայում է ճեղքել պաշարման շղթան: Նա դուրս է ցատկում կրակի բոցերի վրայով և, անընդհատ կրակելով, տուրում է առաջ: Թրդերը մնում են ապշահար՝ տեսնելով, թե ինչպես իրենց առջևից փախչող հայութիք դուրմանի, ծիփ պես անհետանում է լեռան վրա: Շուտով իմանում են, որ նա ճանապարհին սպանել է երկու քռնակալ բեկերի: Սարսափահար քրդերը այդ առասպելական հերոսի անունը կնքում են Ղուման և այդ անունով երգ են հորինում նրա մասին: Ալադին Միսակը հաճախ էր երգում այդ երգը:

Հաստ հայութիքը կոչվում էին իրենց ծննդավայրերի անունով՝ Ալիզոնանցի Միսակ, Փեթարա Մանուկ, Շենիքքի Մանուկ, Մշեցի Տիգրան, Մշեցի Ճիրո, Ալիզոնանցի Սուլոք, Լաձկանցի Արթին, Սպաղանաց Մակար, Ալքարեցի Սարո, Սեբաստացի Սուլուար... Սորուք պահելու համար Կարոն կոչվեց Մորուք Կայո, իսկ թշնամու դեմք կրիկներում շեշտակի հարվածների և ճարակության համար Անդրեասը ստացավ Կայժակ մականունը, անօրինակ քաջության համար Պետոն կոչվեց Արժիկ Պետո: Հրայր Ղուկասը (Արմենակ Ղազարյան) իր մականունը ստացել է թշնամու դժոխքի կրաքամերին մատնելու համար: Անսպասելի հայտնվելու և ճարպկորեն անհետանալու համար ստացել է նաև Ուրվական մականունը, իսկ մի ժամանակ քարայրում հայութիքների գենքը պահելու համար կոչվել է նաև Քարայր:

Ամերիկա գնալուց առաջ աննկուն գրուավար Անդրանիկը ցրում է իր հայութիքներին: «Անդրանիկն իր զինվորներին տուն էր ուղարկում առանց վարձաստրության, առանց որևէ

¹ Գ. Հովսեփյան, Գրական դիմագծեր, Երևան, 1981թ., էջ 110:



Երաշխիքի. միայն կամքի ուժն ու բարոյական վարձատրությունն էին կազմում նրանց գանձը, որ լուրջ կշիռ ու արժեք ուներ ազատագրական պայքարի ռոմանտիկայով ոգեշնչված մարտիկների համար: Նրանց արտաքին տեսքն անհրապույր էր. պատառութված հագուստով էին, ծակծկված տրեխներով, տառապանք կար դրոշնված նրանց դեմքին ու թափիծ՝ աչքերում: Տանն անհամբերությամբ սպասող մանկանց նրանք ոչինչ չունեին տամեյու, վաղը չոր հաց գմելու գորոշ չկար գրապաններում: Վկայութույն կա, և հակասուի է այդ վկայությունը, որ եթե Անդրանիկի գորավսմբի ունեցած գումարը տրվեր զինվորներին, ապա դա հազիվ բավարարեր մեկ-երկու օրվա համար հաց ու պանիր հայրայթելու: Այդ ամենից «մարդ կարող էր միայն խղճահարպել, որ այդքան գրկանքներն վերջ, այդ անձնազոհ, խիզախ զինվորը այլ կերպ վարձատրվեր», - իրավամբ նկատել է հայկական առանձին հարվածող զրոյախմբի պատմագիրը¹. Ծ. Աղայան:

Հայդրակներին պատաճք էր տրվում, բայց ստանցի հայդրակը մներժում էր պատաճք վերցնել: Նու մնանում էր պատերազմի դաշտում և տամնաբարենքախտ դնաբռում թաղփում լնոնքի մեջ՝ առանց պատաճքի նոյնիսկ առանց բահանայի:

Ֆիդայիններից ամեն մեկի կյանքն առասպնդական, հերիաթային, բայց և իրական է: Ու ընթերցողը նրբնւն տարակուսում է՝ սա հերիա՞թ է, թե՞ իրականություն: «Մեզ հասած Դավիթի հերիաթը հանկարծ հայտնվում է որպես իրականություն, իսկ իրականությունը, որ լշնամու դնմ մենակ կանգնած Արարոն է, դառնում է հերիաթը: Դավիթն է Ըուրեկի Զալալին հեծած կանգնել Մարտիքա սարի զլիխն, մենակ մի զինվոր, իսկ վարդ Մարա Մելիքի ավարառու բանակն է. թիվ կա աստղներին, թիվ չկա զորքին: Այո՛, նոյն Դավիթն է, նոյն միայնակ զինվորը»², - գրում է գրականագեւու Վարդանյանը:

Հայդրակների կերպարներն առանձնակի երևոյթ էին և ժամանակի ոգին միավորող ուժ: Նրանք հարություն առան նորօրյա հայ հերոսների մեջ և իրականություն դարձրին արցանցու վաղնմի երազանքը՝ ազատությունը: Հայդրունները հայ ժողովրդական հերոսների՝ Վարդանի, Աղասու, Գևորգի և շատ-շատ բազերի ոգնենի հրդեհի ժառանգործներն են ու այսօրվա հերոս ազատամարտիկների հոգևոր հայրերը:

Ամփոփում

Հոդվածում բացահայտվել է հայդրուկի հավաքական կերպարը. պայքարի կերպը, հագնվելու ձևը, երդման արարողությունը, նրանց զործողություններն առաջնորդող գրված և զգրված «օրենքները»:

Ցոյց են տրվել նաև նրանց պաշտոնները, որոնք մշակված էին, իսկ վտանգների պահին զործողությունները՝ շեշտակի, մտածված ու նպատակալաց: Հայդրուկը զերեզման չունի, նրա ամենամեծ բաղդանքը կովի մեջ մնանելն է՝ ազատության նրգը շուրթներին և զնդակը ճակատին:

¹ Ծ. Աղայան, Հայ ժողովրդի ազատագրական պայքարի պատմությունից, ՀՍՍՀ ԳԱ հրատ., Երևան, 1976, էջ 222:

² Կ. Վարդանյան, Խ. Դաշտենցի «Ռանչպարների կանչը» վնայի ակունքները, «Գարուն», 1998թ., հ.10, էջ 84:



Собирательный образ армянского гайдука

Сиран Багдасарян

Резюме

Ключевые слова: гайдук, героическая борьба, свобода, брюки, пиджак, клятва, турецкий деспотизм, Евангелие, должность, псевдоним

В статье описан собирательный образ армянского гайдука: вид борьбы, стиль одежды, торжественная клятва, их действия по писанным и неписанным законам.

Для гайдука большая часть умереть в борьбе, с песней свободы на устах и с пулей в голове.

Также отмечено, что в период арцахской войны образы гайдуков стали примером для нынешних бойцов, в результате этого им удалось победить врага превосходящего их в численности несколько раз.

A Collective Image of the Armenian Hajduk

Siroun Bagdasaryan

Summary

Keywords: Gaiduk,, the heroic struggle, freedom, trousers, jacket, oath, Turkish despotism, the Gospel, position, nickname

This article describes a collective image of the Armenian hajduk: the kind of fight, fashion, solemn oath, their actions according to written and unwritten laws. Hajduk doesn't have a cemetery, it is an honor to die in the fight, with the song of freedom on his lips and with a bullet in the forehead.

It is also noted that during the Artsakh war, images of Hajduks became an example for our current fighters, as a result, they were able to defeat the enemy exceeding them in number.